



№ 1

1918 წ.

ლადო შაზავარიანის
რედაქტორობით.

ქუჩის სარკვე:

- ლადო მაჭავარიანი — „ტრიოლეტი“.
 - ი. გრიშაშვილი — „ტრიოლეტი“.
 - კ. კაპანელი — „სიკვდილი და სიყვარული“.
 - ვალერიან გაფრინდაშვილი — „დუელი ორეულთან“
 - ტიტე ტაბიძე — „ავტობორტრეტი“.
 - პაოლო იაშვილი — „წითელი ხარი“.
 - დ. ცვარნამი — „მთვარეულს“.
 - ნ. ასათიანი — „ლეგენდა“.
 - რაჟდენ გვეტაძე — „სონეტი“.
 - კოლლაუ ნადირაძე — „ჩემს ლანდს“.
 - შ. კარმელი — „სალარნაკო მელოდია“.
 - ნ. მიწიშვილი — „აკვარელით ნახატები“.
 - გრ. ცეცხლაძე — „ლოთის სონეტი“.
 - აკაკი ბერეკაშვილი — „ყოველივე ჩემთვის“.
 - გ. მეგრელიშვილი — „ჩემი მადამი“.
 - კ. ებრაელიძე — „თეთრი ჰაშიში“.
 - ა. პირველი — „შავი გვირგვინი“.
- რ ი თ მ ე ბ ი ს ტ უ რ ნ ი რ ი.
- უღა: დ. წერეთლის.

1138

რედაქტორი: ლადო მაჭავარიანი.

დატირებულ ლანდებში

იუდას მოჩვენებათ აიშალა უდაბნო
შორეულ მთის ოცნების სათუთ ტანის მდაღველი,
უძილო ღამის თევას მინდა გზა დაუდაფნო,
როს მეტყველებს ყრუ ქარი ნოემბრის თვის ნაღველით...

დაითალხა წამებით მთვარის ფერწასულობა,
წვიმა, ქარვის ფოთლებში ზანტად დათავისახლდა,
ღრუბლის ფერმკრთალ სიარულს თანსდევს დაქანცულობა,
უმიზნო ცრემლთა დენა ტკივილით განმიახლდა...

ვკანკალებ ჩემს ოთახში თვალთმაქც საუკუნეთი,
იწვის სიცალიერე დატირებულ ლანდებთ,
მსხვერულ ფიქრთ ნაოსნობას ფარავს ზღვაუკუნეთი,
წამათსვლა იქვს მიჰყვება წუთისოფლის ფანდებთ...

ატირდა სიყვარული ყვავეილთ ქედებს გადაღმა,
სიკვდილის მოლოდინში ტანს მივლის ყრუანტელი,
შიშით მოვიქანცები—და ნამთვრალევს ამაღამ,
სევდის ცრემლად ჩამომქნის ნაცრის ფერი სანთელი...

ს ო ნ ე ტ ი

მზე მოიქანცა, საუკუნის ანჩხლ დასახლებით...
თვალთმაქცობს გველი ტანშელეწილ სითამამეში,
კენისის ზღვა სივრცე სპილენძისფრად აშლილ ღამეში,
ცივი ღიმილით მოკვდა მთვარე იქვის თანხლებით...

იწვის უდაბნო უიმედო წამთ განახლებით,
ვერ ვგრძნობ სიმშვიდეს მე წუთიერ ფერად რამეში.
გიჟი სიმთვრალე სიჭაბუკით ტლანქ სიამეში—
დასისხლიანდა ყრუ ქვითინად აღმას ხანჯლებით...

სასაფლაოზე ვიგვიანებ ლექსთა ზმანებით,
მოღლილ ხელებზე მოვიხსენი ხელთათმანები
ქვრივ ღამისთევით ტკივილით მჩხვლეტს სისხლად ხველევა.

ვდარაჯობ ოთახს, გელოდები, მაგრამ არ ჩნდები,
კვდება ლანდები რუხ სიცივით—და ვგვიანდები,
და ვგვიანდები უსიცოცხლო ამეტყველებათ.

ტ რ ი ო ლ ე ტ ი

„ლურჯი თვალები“ დავივიწყე ჩქარ დაღამებით,
აღარ ვარსკვლავობს ჯვარსაწერი თეთრი სანთელი,
დაავადმყოფდა სიჭაბუკე ქლექურ წანებით..

„ლურჯი თვალები“ დავივიწყე ჩქარ დაღამებით...
ფრთამალ წამათსვლის უიმედო ახამხამებით,
მახრჩობს ტკივილით შავ ქარბუქის კორიანტელი,

„ლურჯი თვალები“ დავივიწყე ჩქარ დაღამებით,
აღარ ვარსკვლავობს ჯვარსაწერი თეთრი სანთელი.

ი. გრიშაშვილი.

ბ რ ი ო ლ ე ბ ი

მაშ, ჩემი ლექსი შენ გგონია ტლანქი და მრუში? —
რა გაეწყობა.. აგრე იყოს.. თუ გჯერა.. თუ გსურს..

მაშ ჩემი ლექსი შენ გგონია ტლანქი და მრუში?
თვითონ მტრედსაც კი, დაბუდებულს ძველ საყდრის ღრუში,
ჩემზედ ძლიერად სტანჯავს ვნება, სტანჯავს ხურუში
და მე, ხომ ვაქებ მაშროიყის მზეს, მზეს მთვარის თუქსუზს?

მაშ, ჩემი ლექსი შენ გგონია ტლანქი და მრუში? —
რა გაეწყობა.. აგრე იყოს.. თუ გჯერა.. თუ გსურს..

ბ . კ ა პ ა ნ ე ლ ი .

სიკვდილი და სიყვარული

ლირიკული განცდა.

Les grandes pensées
viennent du coeur.

Vauvenargus.

სუნთქვა სიყვარულისა უფრო ძლიერია, ვიდრე სიკვდილის სუნთქვა: სტიქია სიყვარულისა უსაზღვროა, ვით ოკეანე, ვით მარადისობა; სტიქია სიკვდილისა ერთდროულია, ვით ლანდი; სიყვარულს ძალუძს ერთი წუთი მარადისობად აქციოს და მარადისობა კი წუთად შესცვალოს; სიკვდილი უარჰყოფს ყოველგვარ მარადისობას და გვევლინება მხოლოდ ერთი წუთით.

* * *

გახვეული ცისკრის სხივთაგან მოქსოვილი მსოფლიო სიხარულის ხავერდში, სიყვარული თვალწინ გვიშლის ზურმუხტოვან სივრცეს, ღმერთებით და ოცნებებით გამშვენიერებულს... აღელვებულ და უსაზღვრო ზღვაზე ღრუბელთა მსუბუქ ფრთებით მოექანება ჩვენსკენ სიყვარული, რათა მან მძლავრი გრგვინით, თვის ოქროს ზმანებათა ოქროს ნემსებით დასჩხვლიტოს სული ჩვენი, რათა მან ოცნების გაზაფხულით, ნაირ ყვავილით, ვარდის კონით და ოქროს ქსოვილით დაატკბოს გული ჩვენი, მარტოდ შეთენილი, სურვილით ძლიერი, მაგრამ წუთისოფლით მოტყუებული. სიკვდილი ჰფარავს მგზნებარე ვნებას ცრემლთა მდინარისაგან შექმნილ ღრუბლებით და ამოსრტყოცნის ხალხთა და სამეფოთ, რომელთაც ელის ცივი დავიწყება და გახრწნა...

* * *

სიყვარულს ცეცხლი უკიდია, მაგრამ იგი არ იწვის, ვით არ იწვოდა ბიბლიური ცეცხლმოკიდებული ჩირგვი; სიკვდილმა არ უწყის — რა არის ღვთიური წვა. სიყვარული ცეცხლში იწითობა და კოცნა მისი გვიხსნის მთელ სიღრმავეს კოსმიურ ტანჯვა — დაქანცულობას: იგი აერთებს ოცნების ოკეანეში უსაზღვრო ლურჯ ეთერს და დემონიურ სიცივეს მიწისას; სიკვდილი აშორებს ცას და დედა-მიწას მსოფლიო სივრცეთა სიცივითა...

* * *

ბასრი და ბრწყინვალე წვეტით ეჭრება სიყვარული უძრავ, ცივს მარმარილოს და შემოქმედებითი ალტაცებაში ამოსრტყოცნის მისგან სხივოსანს, მკვეთარ სახეს ნათელ-მომღიმარე გულის დედოფლისას: სუნთქვა სიყვარულისა უფრო ძლიერია, ვიდრე სიკვდილის სუნთქვა.

დ უ ე ლ ი ო რ ე უ ლ თ ა ნ

რკალიდან: მე—სარკეში.

დუელს ერთმანეთს ვპირდებოდით ბოროტ მინაში,
როგორც ლურჯ გედის მოტრფიალე ფარშავანდები.

აი ცბიერად აქანდაკდა ის ჩემს წინაშე,
თითქოს მაშინებს საზიზლარი მისი ფანდები.

ზრდილობიანი, ვით მსახური მაწვდის იარაღს...

როცა რევოლვერს დაეუმჩნებ, მიეფარება
საშინელ სარკეს და სიჩუმეს სვამს როგორც არაყს,
შემდეგ ფრთიანი ავაზაკობს და მეპარება.

შემომთავაზა ორეულმა სამართებელი:

ერთად ვიპარსავთ—ის ბროლში და მე სიცხადეში,
და თუ დაიჭრა სამუდამო ჩემი მხლებელი,
სწრაფად ჩავეყინთავ სასიკვდილო სარკის ბადეში.

ის დანით ყელთან მე მიცქერის, ვით თავის მკვლელი,

ისევ ერთმანეთს ვუკვირდებით, როგორც ჯაშუშებს,
ხელის გაქნევას უკანასკნელს მისაგან ველი,
და ჩემს იარებს მოურჩენელს ვერ დაამუშებს!

ვართ დანიშნული ერთმანეთის მისტიურ დალით,
როგორც რაყიფნი ველოდებით წუთს შესახვედარს,
ეხედებით სიზმარში: ის გამიპობს სახეს მათრახით,
და მათრახითვე ეუპასუხებ თანასწორ მხედარს.

ეხედებით ერთმანეთს—განწირულნი—სარკის მინაში,
მესმის მუქარა: „შებრალეებას ჩემგან ნუ ელი“.

ის კიდევ ხშირად ამათრთოლებს თავის წინაშე,
არ ვიცი როდის გათავდება ჩვენი დუელი!

ტიტმ ტაზიქმ.

ავტოპორტრეტი

უაღდის პროფილი... ცისფერი თვალები,
სარკეში იმალება მოთეთრო ინფანტა,
ლლიავის დაკოცნით მალე ვილაღები,
მწვავენ ტალღები თმებმა რომ დაჰფანტა.

მასსენეს ელოდენ დათლილი თითები,
ჯირითს რომ ელიან ფეხ-მარდი ცხენები.
სხვანაირ მუსიკის დღეს მბანენ ზვირთები,
ძვირფასად ვირთები ლექსების ხსენებით.

აზიურ ხალათში, ვით ფაშა ეფენდი,
ვოცნებობ ბაღდაღზე მოღლილი დენდი,
ფურცლავ მალარმეს „Divagacions“.

იყავი რაც გინდა შავი, საცოდავი,
ცხოვრება! ხელში მაქვს შენი სადავე,
რომ თვით ჯოჯოხეთი სამოთხეთ გაქციო.

წითელი ხარი

წითელი ხარის ნაძოვარზე ბალახი აღარ ამოდის—ნაცეცხლარი.
ხალხური სიმელოცვა.

ყვითელი რქებით
წითელი ხარი,
ცხელი და ჩქარი
ვადილოთ ქებით.

ცეცხლიან ყვავილებში მოჩვენება წითელი
ცხელი ცახცახით ელის,
რომ ქვეყნის ამღერება
იქნება მზის ნადიმი, შუადღის მშვენიერება.

გაგიჟდება ალით მხარე. ცისკენ მიჰქრის კენესით ხარი,
მიწა რქებით მონათხარი ნაკვერცხლებათ სცვივა ჰაერს.
ხარის ლანდი გაჩნდა ტვერში. ზღვა აღარ სჩანს ოქროს მტვერში.
მიწის ლოცვა აქ ფრთას ვერ შლის, ვერ შლის სურვილს ათასნაირს
ხარსა ხარი მისდევს მზესთან,
ვინ დაითვლის წითელ ხარებს?
ჰაერს ფრთები აუკვენსდა.

ყველა მზისკენ! ყველა მზეში! მიწა ველარ გაგვახარებს!

ქვეყნის ცეცხლი რკალში სახლობს,
ის, რაც ცოცხლობს შავად ახმობს,
რაც ტყეების დასანგრევათ
ცხელ ზაფხულში ჩვენკენ ილტვის,
სანადიმოთ მოსაწვევათ
ჩვენ გვიგზავნის წითელ სიკვდილს.

და მზის ცხოველს, ყვითელ რქებით
ქვეყნად ცეცხლის ფრთით რომ დადის.
ჩვენ ვადიდებთ წმინდა ქებით
და ვეჩქარით ალურ ნადიმს.

დ. ცვარნაში.

მთვარე ულს

ზოგჯერ აღისფრთა მომიქროლებს, შემომედება,
დამკოცნის, დამწვავს ძილმღვიძარა აღტაცებაში,
ათასთაა შორის თვალი ისევ შენ მოგედება,
ათასთაა შორის შენ ერთს გამჩნევ პირველ წყებაში...

მე აღარ ვიცი თვალთა ბინდი რით მაჯადოლებს
რომ მასზე ფიქრი არ მასვენებს და არც მიშორებს,
შენსკენ მოვყავარ საქორწინოთ ლალ სიზმრის მღვეებს,
ლამე გვაერთებს და დღე ისევ გვაშორიშორებს...

მთვარის ჩქერაზე შენ გეწვევი ჩრდილოთ ხეივანში
მომხიარულე, მოცეკვავე და მონავარდე,
შენს სხეულს ვარწევ სიყვარულით ოქროს აკვანში,
და არვის ვუმხელ, რადგან ვშიშობ გაუჩინარდე...

ლ ე გ ე ნ დ ა

—აბა დაიწყე...

უთხრა ქალმა ვაჟს, რომელიც ზღვის პირად ფიანდაზად გადაშლილ ზღვის ხავსზე წამოწოლილიყო და ზღვის სიღრმეში ვარსკვლავთა ლანდების ქორწინებას ჩასჩერებოდა.

—ნუ! ნუ გინდა, მათქმევინო ლეგენდა მზე და მთვარისა, თუ შენთვის ძვირფასია დაუსრულებელი ოცნება სიყვარულისა...

ნუ გინდა ვაგიგო, როგორ გაჩნდენ ვარსკვლავები, ეს იღუმალობით არის მოცული და იღუმალობათვე უნდა დარჩეს, როგორც სიყვარული ზღვის გედებისა...

—არა მიაბე.—უთხრა ქალმა, მე მაგ ლეგენდით დავითვრები და თავდავიწყებით მივეცემი დაუსრულებელ ოცნებას.

„ძველად, უხსოვარ დროს, ცამ არ იცოდა რა იყო ვარსკვლავები.—ცის დაუსრულებელ კაბადონს მხოლოდ მზე და მთვარე გვრიდა სიხარულს.

მხოლოდ მზე და მთვარე ეხვეოდენ ცის ლურჯ სამოსში.

მხოლოდ ისინი მედიდურობდენ სიყვარულის ლალ სამეფოში...

ისინი ერთი არსებისაგან იყვნენ შობილნი...

კეკლუცობდენ და კეკლუცობაში მიჯნურობით ერთმანეთს ეჯიბრებოდენ.

მაგრამ მიუწდომელი სივრცე იყო მათ შორის.

მხოლოდ ისართა ტყორცნით კმაყოფილდებოდენ...

მზეცა და მთვარეც სადღესასწაულოდ ერთი სახით ირთვებოდენ, რომ ერთმანეთს შეხვედროდენ, გულში ჩასწდომოდენ და სიყვარულის ახალი ნაყოფი ეგემათ.

დრო მიჰქროდა... სიყვარული კი, ელვის სისწრაფით იწვოდა...

შავი ტყე მხოლოდ მათთვის შრიალებდა. დედამიწა, მათი სიბრალულით, ვერცხლის ცრემლებს აფრქვევდა და თვალუწვდენი ზღვანი ორთქლად ჰქრებოდენ...

ფრინველები ნაზად გალობდენ, ვარდყვავილები სურნელებას აბნევდენ და მდინარენი ტყის ფერიის კისკისით მოგიჟმაჟობდენ, რომ ედიდებიათ მზე და მთვარე.

თვით განდგომილნიც კი ლოცვად დგებოდენ, რომ მზისა და მთვარის წამებას ბოლო მოჰღებოდა.

დადგა უკანასკნელი ჟამი.

მზისა და მთვარის კვნესა იგრძნო განგებამ.

ამბობენ: ერთ მშვენიერ დღეს ცის კიდური შუა გაიყო და შეყვარებულნი ვნებათა ლელვით შეერთდენ.

მზემ მოასწრო მთვარეს კოცნის მოპარვა.

მხოლოდ ერთხელ აკოცა... შვება იგრძნეს...

მაგრამ შვება იგი იყო წუთიერი...

ცის კიდური ისევ შეერთდა და ისინიც განშორდენ.

გავიდა დრო და მთვარემ გამოზაფხულის დაისის ჟამს შობა ვარსკვლავები. თვითონ დაიცრიცა და მისთვის ფერმკრთალობს ღამის წყვლიადში.

* * *

ასეთი არის ლეგენდა ვარსკვლავების წარმოშობისა და აი, იქ ზღვის სიღრმეში ვარსკვლავთა ლანდების ქორწინებას, რომ ჰხედავ, ის ნაყოფი მხოლოდ ერთის გიჟურის კოცნისა. დაასრულა ზღაპარი ვაჟმა.

ჰვითელი სტრიქონები

„თეთრი წიგნი“-დან.

მუნჯ მოგონებით დავიტირე ჩვენი წარსული,
ჯვარი დავუსვი ყმაწვილობის თავხედ გიჟობას;
ჯერ ახალგაზრდა... და, უდროოთ ხანში შესული—
ტანჯვით ვამშვენებ ჩემი ყრმობის ფერმკრთალ დღეობას.

ქლეკის სტუმრობამ გამოიყინა სისხლი ძარღვებში,
ალარც ვნება მაქვს, ალარც გული, — დაჰვკარგე ყველა.
სისხლის ფურთხებით ვიტანჯები ქარვის თვეებში...
ნეტავ თუ როდის მეღირსება სიკვდილით შველა?..

იყო და, გაჰქრა—ვით სიზმარი, როგორც ჩვენება:
ჩვენი გიჟობა... სიყვარული უსაზღვრო შვებით...
რა ექნა არ ვიცი... ველარ მზიბლავს შენი შვენება,
და, ვერც სამოსი შემკობილი საფირის ქვებით.

თავდავიწყებას ველარ იწვევს ჩემში ზმანებით:
შენი ღიმილი... და, თვალები ნაზ-ბივრიტისა,
ვერც შენი ტანი მოღვედილი ლამაზი ვნებით,
ველარც სინაზე—სამკაული წმიდა ხატისა.

არ ვიცი რატომ, — დაგავიწყდით უკვდავ სიყვარულს,
და, რათ ასრულდა მხოლოდ ჩვენზე „ზანგის იგავი“;
აღბათ იმიტომ, რომ ვერ გხედავ, — ტრფობით დანატრულს,
რომ დავიწყებას ჩავაბარეთ ჩვენი ამბავი.

მაგრამ დრო გავა... — და, ჩემს კუბოს უხმოთ ასწევენ,
დამიტირებენ მხოლოდ ლანდნი, ჩემი წარსულის;
შავი კაცები ჩემს ჩონჩხ სხეულს ცეცხლზე დასწვავენ...
იქნება მხოლოდ სახე დამჩჩეს ლამაზი სულის. —

თუ გაგახსენდე შენგნით მკვდარი, ტრფობის მემინდე, —
ნუ! ნუ შიტირებ, ვერას მარგებს ხმა სინანულის,
მხოლოდ ამას გთხოვ, და ცოდვები ამით შემინდე: —
ყველას აუწყე დაფარული ჩვენი წარსულის!..

ს ო ნ ე ტ ი

მამია ფაზელს.

მე, მიყვარს ლამე — დაურღვეველ მყუდროობაში,
და გაცრეცილი, სევდიანი ღიმილი მთვარის, —
ვით მწუხარება ქარვისფერი ლამაზი მკვდარის,
და, ყვავილები სასაფლაოს ყრუ დღეობაში.

როს მნათობთ ნისლი ჩაიბნევა მთის ხეობაში,
და, ამთვარდება სიამაყე ძველი საყდარის, —
ამ დროს ხმა მესმის მამიასი, უცხო სადარის,
და, ვამჩნევ ლანდსა დაფიქრებულს მარტოობაში.

ის, ხან საზარლათ, დემონივით გაღიხიბიბითებს,
ხან-კი — მწუხარე ლოცვებათ ჰქმნის თვის ყრმობის მითებს.
ხან აგონდება მარიამი, ხან კახაბერი —

და ატირდება, ვით ლოცვის დროს — ურწმუნო ბერი;
ხან წყევათა ჰქმნის ბედისადმი მიძღვნილ ნაზ-ოდებს,
და ჩონჩხათ ქმნილი — შუალამემდის უსიტყვოთ გოდებს.

ჩ ე მ ს ლ ა ნ დ ს

მუდამ ერთად ვართ განუყრელათ, დაუცილებლათ
 საბრალო მუნჯო, ჩემო ლანდო, მორთულო თალხით...
 ჩემი აქ ყოფნა გაგიხდება შენც სანანებლათ:
 აქ არვინ ხარობს ჩემ შეხვედრით, და ჩემი ნახვით!
 გახრჩობს სიმუნჯე, გსურს გაიგო ჩემი წამება,
 გინდა მიაშობო ქვების სევდა, სურნელი დილის,
 იტანჯი შენცა, და გაშინებს, შენც დაღამება...
 ჰკანკალებ ჩუმათ, როს გაიარს ლანდი სიკვდილის.
 როდესაც დალილღს აღარსად მაქვს გზა წასასვლელი,
 და ველარ შევსძლებ გამოუცნობ შიშის ატანას —
 გავრბივარ შენგან: მეჩვენები ჯალათი, მკვლელი,
 და თრთოლვით ველი, რომ დამარტყამ ქურდულად დანას!
 მაშინ ეს ქუჩაც ფეხს აიდგამს, გამოიქცევა,
 შავი სახლები დასაჭერად მიწვდიან ხელებს!..
 ავ მოჩვენებათ ეს ქალაქი გადაიქცევა,
 დამიქერს თმებით, და... მომახვევს კისერზედ გველებს...
 ვიცი, რომ კიდევ დიდხანს ვიართ ჩვენ ქვეყანაზე
 უნიჭო პიესის—ამ სიცოცხლის—ორი მასხარა!..
 ქუჩის ძაღლები გვიტირებენ ხელის გახსნაზე,
 რომ ჩვენ არასდროს არ ვყოფილვართ აქ ღვთის ამარად.

შ ა ლ ვ ა კ ა რ მ ე ლ ი .

საღაჩნაჲ მელოდია

ქარვის ფოთლები გამხდარა ვნებით,
 ტირილით სწყდება ხის კენწეროებს,
 ისრულად ცაში გრძელ ქარავნებითა
 გაუკრავთ გეზი მზისკენ წეროებს.
 სჭკნება მტილნარი სემირამიდის,
 ქლექდება ღამე მთვარის ფარილში,
 უცხო მგზავრებთან ჩემი რა მიდის,
 ნე რა ვიპოვე მათ პურ-მარილში?
 რად მიყვარს ხოლომე ოქროს ფანდური,
 აზამთრულ მწუხრის ნისლურ ტევრებში?..
 რად მეჩვენება მორფი ლანდური
 ვით ორეული მზის სატევრებში?!.
 იცანი სულო ზამბახბირული,
 დაზედ უდესი დებში დობილი?..
 ვესტის სატევრით გულგანგმირული,
 მარჯნის კუბოში ხელდაქდობილი!..
 —სტირს ჩემთან ტბაზე სირენა დებით,
 დნება სანთლებთან საკურთხევლები,
 ვენერაც სტირის სერენადებით,—
 ველარ შევლიან მთვარეს მხეველები!
 აწ იანვარიც ნაძვის იმ ღერებს
 შემოსს თოვლისფერ ქაფით რებული,
 მზე კი, ამაოდ მოქსოვს სიმღერებს—
 თეთრი სხივებით გაფითრებული!

აკვარელით ნახატები

მზე უკანასკნელათ შეჩერდა ცის კაბადონზე.

უკანასკნელათ გადაავლო თვალი ქვეყანას და მოკვდა...

მთვლემარე ბინდმა ჩაიკრა გულში არე-მარე. შორს ქალაქის სანთლებმა დასქრეს ღამის შავი ნილაბი. აქ კი აყვავილებულ ზღვის ტალღათა ჩქერს თეთრი ნისლი გადაეხვია.

ზღვაში მდგარი პატარა გემი მთვრალი ქანაობით გაჰყვა ტალღათა ნანინას. ცოტა ხანს კიდევ ისხდა ზღვის ნაპირას ახალგაზდათა ჯგუფი.

ამეტყველდა ნესტიანი ქარი და ისინიც ნელის ნაბიჯით, წყვილწყვილათ გაეშურენ ქალაქისაკენ.

თითქოს ბნელი ღამე აქრობდა ხმათა ბგერას— ისმოდა მხოლოდ ნელი, ჩუმი საუბარი...

ყველაზე წინ მიმავალი ქალ-ვაჟი სიყვარულზე ბასობდენ.

ქალის მკლავზე გადახლართული ყმაწვილის ხელი თრთოდა, ვით სიცილი წამებულისა; მისი მთვრალი, აბნეული ლაპარაკი ღამეში გზას გადამცდარი კაცის ბორძიკსა ჰგავდა.

— იცი, ჩემო... მე მიყვარს ის უბანი სადაც შენა ცხოვრობ; შემიყვარდა ის გზა, სადაც შენ დადინარა...

ვერ წარმომიდგენია თავი უშენოთ, ჩემო კარგო, ჩემო მშვენიერო...

და ის ჰკოცნიდა ქალის ხელის თითებს, მის ათრთოლებულ ხელში რომ ფრთხილებდენ...

მათ გადაუხვიეს ხეებში, ჩამოსხდენ გრძელ სკამზე.

ღამემ გადააფარა მათ თავისი მღუმარე კალთა, და ვით ფოთოლთა წკრი-ალი— ისმოდა ხის ძირას:

— მიყვარხარ!..

— შენ, მხოლოდ შენ!..

— მუდამ, მარადის!..

და წკრიალა კოცნა ადასტურებდა გრძნობათა სიტყვიერ გამოთქმას...

* *

მეორე დღეს განშორდენ ისინი ზღვის პირას გაბნეულ ქალაქს.

მატარებელი მიჰქროდა, აღფრთოვანებით ჰკვეთდა სივრცეს და შორს მი-აქანებდა მათ.

იმ ვაგონში თითქმის არავინ არ იჯდა.

თითქოს შველას ეძებდა ვაჟის ძლიერ მკერდზე— ქალი ვნებით ეკვროდა ვაჟს. ის კი სიყვარულის მარგალიტებს კრებდა ცირას თვალთა მღელ-ვარე ზღვაში.

მატარებელი გაჩერდა. აქ დიდი სადგური იყო და მატარებლის შენაც-ვლა უნდა მომხდარიყო.

ისინი ბაქანზე გადმოვიდენ. გაიარეს.

ვაჟის ხელზე მიყრდნობილი ქალი უცბათ შეერთა, შეჩერდა— თითქოს თვალეზზე ბინდი გადაეკრა, და— გაოცებით წამოიძახა:

— ღმერთო ჩემო, რა მშვენიერია!..

და თვალი გააყოლა ახლო მიმავალ კოხტა აფიცერს.

* *

დაჰკრეს ზარი.

ვაჟი მარტოთ გაჰყვა იმავე მატარებელს, ზღვის ნაპირას გაბნეულ ქალა-ქისაკენ...

რკალიდან: „ლიბრედი ლანდები“.

სნეული ოცნება მოღლილი სულისა,
ქლექიან ფიქრებში რაა სახალისო,
ერთ ფერმკრთალი სახე ტანჯულ ასულისა,
ჩაფერფლილი გული ყრუ სევდით აივსო.

მე ვერ გამახარებს როიალის ხმები,
ნაზი სიმფონია გულში ვერ ჩამწვდება.
ველურ არღნის ღრიალს მე უფრო აყვავები,
— დაუკრავენ „ხოზანს“ — სევდა მავიწყდება.

მე მინდა ქეიფი, მე მინდა ლოთობა,
ჭინჭილებით ღვინო — ჭიქებით არაყი,
ძმანთაფიც ბიჭებში თენებით გართობა, ---
რომ ძილი მოქანცულ თვალებს აღარ ეყოს;

მთვრალეები შევიართ ბნელ ყავახანებში,
თუთუნის კვამლით რომ სულ ლიბრედათ ბნელა,
ღმერთად გამოვჩნდებით უიღბლო ძმანებში,
ქალაქის ოხრები აქ არიან ყველა.

მახინჯმა სასტუმრომ თავი შემაყვარა,
სიზმრების ბურანში ქაჯს ნახავდით კუზით,
ყოველ-ღამე დადის აქ ერთი ავარა
მისი ორეული სისხლის ფერი ბლუზით.

მდიდრებათ რომ გვამჩნევს მეგობრებს გვიწოდებს,
დალურსულ წარბებს ქვეშ ღრმა, კროლა თვალეები,
როცა მოგვიყვება გარყვნილ ეპიზოდებს
ცეცხლის პერწყვლებს ჰყრიან, როგორც მაშხალეები.

შამპანიურს გააქვს წუშხუნე ქიქაში,
მწყურვალეებს და მშივრებს დავუძახეთ ყველას,
ბერძალლი ავარა ჩვენი ტოლუმბაში,
მთვრალი დაემსგავსა კბილ ჩაცვნილ მელას;

ბოროტს კარგათ ვამჩნევთ ფერმა დაუარო,
სიავის ლეგენდას ცოდვები სწყურია,
ხელში უცახცახებს ბებუთი მარმარა,
უბედურის გზები სისხლით ნასხურია...

აირ-დაირიენ ჩხუბობენ ლოთები,
მოზავეთ ჩავარდა შავწვერა ყაჩაღი,
იმსხვრევა სუფრაზე — ჭიქები, ბოთლები,
აჯილდით დედამამის გინება გაჩაღდა —

ჯიბგირმა ავაზაკს დანა მიაგება,
ჩვენც რევოლვერების დავიწყეთ თამაში,
ქურდები, მკვლევლები ყველა ფეხზე დგება,
ატყდება ყაილა ყრუ ყავახანაში...

მე მიყვარს ასეთი დროების ტარება,
ცხოვრების ქაობში წუთით ნეტარება.

ლოთის სონეტი.

თბილი ოთახი მე არ მინდა, არც მოსვენება,
გარეთ გავათევ არაყის და ღვინის ამარა,
თუ მოვკვდე მთვრალი—ქუჩა იყოს ჩემი სამარე—
დილას გავმლელებს ვეგონები მე მოჩვენება.

არავის არ ვსთხოვ, რომ დაესწროს მუნჯ ვასვენებას,
არც არავინ მყავს, რომ საფლავზე ცრემლი დაღვაროს,
მე მდაბალ ძმებში უფრო ვგავარ ისევ ავარას—
ზურნა, ქეიფი და სუფრული „ღმერთმანიებოს“.

მიყვარდა გულით!.. თაყვანს ვსცემდი ვერჰარნს და როდენს,
მაგრამ ვერ ვეტყვი საქართველოს დღეს „გიხაროდენს“
წამებით კვდება, ჩემში ვხედავ, ნიჭი ბევრგვარი,

მე თვითონ ვამჩნევ ჩქარი სულის ნელ-შენელებას,
უიმედობამ ლოთობაზე დამწერა ჯვარი,
თითქოს ვუყვარვარ ცოდვილ ფიქრს და საშინელებას.

აკაკი ბერძენი.

„ყოველივე ჩემთვის“

ნეტავ საით გადაფრინდა სიყმაწვილე, ყრმობა-ქაბუკობა?
შევეკითხე ჩემს თავს.

მან მოგონების აკლდამას სარქველი ახადა და შიგ ჩამახედა.
იქ ბნელოდა.

აკლდამა წარსულზე ოცნებამ გაანათა და დავინახე შიგ რვეული, სიყმა-
წვილის ცეტი ხელით დაწერილი, ადგილ-ადგილ გაუგებარი...

და ამოვიკითხე:

„სიყმაწვილის ყვავილები—ღროთა ბრუნვამ დააქნო...“

ტკბილი ოცნება—სინამდვილემ ჩასძირა...

სიყვარული—სიძულვილმა დაფერფლა...

სიძულვილი—სიმახინჯემ დაბადა...

სიცილ-კისკისი—ტირილმა დააბნელა...

სიხარული—სიმწუხარემ დაიჯაბნა...“

შევშინდი...

გულის სიმატე-სიცილიერე ვიგრძენი...

სიცოცხლის უმიზნობა ტვინს გამხმარი თითებით ეხებოდა.

მოგონება ბნელს კუნჭულს მიეფარა.

ესტიროდი სიყმაწვილეს, ყრმობას, ქაბუკობას...

როცა გრძნობას გამანადგურებელ ძალების ბინადრობაზე შევეკითხე, მან
ცხოვრებაზე მიმითითა.

ცხოვრებას კი შუბლზე ეწერა:

„ყოველივე ჩემთვის!“...

ჩ ე მ ი მ ა ლ ა მ ი

ნაღველი მიძღვენ მე სამუდამო,
შენ საქორწინოს ატარებ ოქროს
და ხვთაებრივი ქალწულ მადამი
მავალეზ მარად იდუმალ ოხვრას.
ლურჯ სიზმარივით აუხდენელი
დასქენა ვარდები დანაპირები.
მიხვალ მადლიან სხივთა მფენელი
მტანჯავს ეგ შენი განაპირება.
შენაც სტიროდი? ცრემლთა ჩანჩქერით
რომ სახე ასე, გაქვს შელახული?
ან როს თვალეზში ზრუნვით ჩაგცქერი
შიგ რად სჩანს სევდა ჯერ არ ნახული?
ან რისთვის გითრთის ძვირფასი ხელი
ან რად მიცქერი ასე გედურებ?!
იქნებ გამწუხრებს მძიმე ნაღველი
ან იქნებ ფიქრობ გისაყვედურებ?
სუ, მშვენიერო, ტურფა რჩეულო,
კმარა ბავშობას თავი ანებე;
ვარ უბედობას მე დაჩვეული
უძვირფასესო ნუ გენებები.
მსურს კვლავ ვისმენდე შენს ხმას, ჰანგებ-ნახს
შევსცქერდე თრთოლვით მკერდის დაბუთებს
და ოდეს ფიქრი დაგვიწყებს ძებნას
ვნატრობდე მარად ამ წითელ წუთებს
ისე კი აბა რად გებრალეზი?
ჰგავს სული ჩემი მამაც მეზღვაურს;
ბედის დაცინვას არ ვემალები
თვითვე დავსცინი ჩემს ხვედრს უცნაურს.
არის მხოლოდ „მე“ და მის გარშემო
მრავალთა „მეთა“ სცეკვავს ლანდები.
სხვანაირია ნაზო გზა ჩემი
სულს ვერვინ ეტყვის „კმარა მანდ ები“
თავისუფალი და უუფლებო
ჩემთვის ლამპარიც ნუ აენთება
სულში მიბრწყინავს ძვითფასი თვლები
და ელვარებით თვით ითენთება.
მაშ ვისაუბროთ სიამე — შვეებით,
ვით ორმა, სწორმა, განძზე ფარულზე,
მაგრამ თუ მაინც დრო გამოშვებით
ასეველიანდე ჩვენს სიყვარულზე

ან მოგენატროს ის ხმები ნახი
ვარდშა რომ უთხრა ერთხელ ზეფირებს
იციოდე რომ მას ამ ქვეყანაზე
ეხლა არავინ არ იპვირებს.
მიუწდომელო და საქორწინო
შენ თითს გიმშვენებს ბეჭედი ოქროს;
მაგრამ გაშინებს გზა ჯვარედინი
და გრიგალივით იქვი ბობოქრობს
მართალიც არის, ძნელია, ბედი
თავისუფალმა ასე სხვას ანდოს;
უფრო ძნელია, მოკვდეს იმედი,
მესაფლავესაც დაგვიანდეს;
მაგრამ გიჟ ჭამთა ცვალებადობამ
იცის ხალისის კვლავ განახლება.
ბედნიერება და უბედობა
ლექსებში მწყობრად დაესახლება
იქნები მარად ჩემი მადამი
გული ოცნებას კვლავ შეგიყვარებს
და დავითირებ როგორც ადამი
მე დაკარგული სამოთხის კარებს.

ქ. ებრაელიძე.

თეთრი ჰაზიში.

დასანიშნავი იყო შენი გამოცხადება
სიამპარტავნით გამოჰკვეთე ღამის ლანდები,
მოღლილ დარდებით გავიფიქრე—მე გავქმარდები—
როგორც ლალ ბესიკს არ უყვარდა შორით ზმანება...

მყუდრო ქალაქში მოიტანე მღელვარე შიში,
გული გამიპე ფრჩხილ მარმარა კოქწვრილი ფეხით,
უჩვევი სევდა გართმული დარდის ატეხით—
შენ დაატყვევე სამუდამოთ და ადავრიშე...

მე განჩინებით ვიცი მელის ვაი და ვიში,
მკლავთა რკალების ვერ დამათრობს თეთრი ჰაზიში...
შენ, დამცილდები... მიმატოვებ... ვერ ჩამბარდები...
ვერ გავქმარდები... დამიტირებს ღამის ლანდები...

მაგრამ, მერწმუნე—შენც ეს გელის! შენც სხვა დაგტოვებს,
გაგამარტოებს მტვერ დაფრქვეულს, უხმოთ მკვენესარეს,
დაუბრუნდები ჩემს საფლავზე ტირიფის რტოებს,
ხეს შეაკვდები და გადმოჰყრი ცრემლებს მღულარეს.

ბოროტება

მეფის მშვენიერ ქალს ვაჟი არ ენახა...

ერთხელ, როდესაც პირველად ბაღში შეეჩება მას ვინმე ქაბუკი,—ქალი შეკრთა და ამაყი თავი ძირს დაჰხარა...

ვაჟი როგორც გველი მისრიალდა ქალთან:

- ქვეყნის შვენებაჲ!..
- ვინა ხარ შენ?...
- ბუნების ჯადოვ!..
- მე არ ვიცი, რას ამბობ...
- მომხიბლეთ!..
- მე არ ვიცი, რას ამბობ...
- მიყვარხარ...
- მე არ ვიცი რას ამბობ...

ვაჟს ბოროტი გული აუღელდა, ქალს მიუახლოვდა, მოხვია ხელები და ნორჩ ტუჩებში ხარბად დაეწაფა...

ქალიც ვაჟის კოცნით მოვრალი, ცახცახით მიეყრდნო მის მკერდს...

— ვფიცავ ცახ, დედა-მიწას... ვფიცავ ყოველივეს, რომ მეყვარები... ღმერთად გაგიხდი... სანთლად აგენტები... უჩუჩულებდა ვნებით გატაცებული ვაჟი...

— მე არ ვიცი რას ამბობ..

უპასუხებდა ქალი...

...და მოსტაცა ვაჟმა ქალს უმანკოება.

და მოიღუშა... გული ყინვად ექცა... დადუმდა...

ქალი აღერსით მოეხვია ვაჟს, მაგრამ მან ძალით მოიცილა. შორს სურდა გაეტყროცნა...

უცებ მიწიდან, მიწა რომელიც დედაა სიცოცხლისა და სიკვდილისა, ამოძვრა გველი და ვაჟს ყელზე შემოეხვია... ქალი შეკრთა:

- ქაბუკო რა არის ეგ საშინლება?..
- ბოროტება... ჩემი განზრახვა... — იყო პასუხი...

შავი გვირგვინი.

ჩამოჰკრეს გლოვის ზარი...

შარა გზაზე მოისმა „სულთათანას“ — ხმა.

ახალგაზრდა ქალს მიასვენებდნენ...

ქალწულთა გუნდს მალლა ეჭირა ცხედარი — საცოდავს თითქოს ეძინა — ნახად განისვენებდა. სახეზე ღიმი უკრთოდა, თითქოს თავის ბედს დასცინოდა...

— საცოდავი, — ისმოდა ხალხში ჩურჩული.

— ნეტავ რად მოიკლა თავი?..

— არავინ იცის...

...და ცხედარი მიაბარეს მიწას... დასტოვეს მარტოღ... დაღამდა...

თითქოს ყველას მიავიწყდა...

ამ დროს, ღამის წყვილიდში გამოჩნდა ლანდივით ვინმე უცნობი ვაჟი, რომელიც ქალის საფლავზე აქვითინდა...

— მე... მე ვარ მიზეზი... ჩურჩულებდა იგი.

მისწი-მოსწია სამარეზე მდებარე გვირგვინები და მათ შუა ჩადვა შავი გვირგვინი...

— აჰა! მიიღე მოლაღატისაგან. წამოიძახა მწარედ ღ განქრა საფლავთა შორის!

რ ი თ მ ე ზ ი ს ტ უ რ ნ ი რ ი .

რითმა — სიწყვეის ორეულია და სტრიქონის
ბრწყენვალე მსაჯული;
მას^ს შეჰყავს ჩვენებათა ქაოსი სამუდამო ნაპირებში.

აი რითმები — პოემების ახალი პორტრეტები:

გაფრინდაშვილი ვალერიან: ქორწილს — დაღორწილს.
მაინც — რაინდს.

გვეტაძე რაჟდენ: შემინდე — შემინდე,
ტარასი — მარასი.

გრიშაშვილი ი. : ამქარი — უღამქარი,
მდურავი — ნურავან.

დარიანი ელენე: სელუსები — მუხლები,
არ სჩანს არავინ — ტანსაფარავი.

იაშვილი პაოლო: ნადიმი — ბადიმი,
მაესტრო — დაესწრო.

კარმელი შალვა: ტეკრებს — სტეკრებს.

ლ ე ო ნ ი ძ ე გ. : სერაბიმი — ესერაბაში.

მაჭავარიანი ლადო: ზღვებისდი — რაინდი,
გადაღმა — ამაღამ.

მეგრელიშვილი გ. : მადამი — მუდამი.

ნადირაძე კოლალი: ზარადი — მარადი,
ქუჩებს — უჩეკს.

რობაქიძე გრიგოლ: დადარი — ნადადარი,
შეთასი — ათასი.

ტაბიძე ვალაქტიონ: ასლებით — სსლებით,
სილაში გარდი — სილაჟვარდე.

ტ ა ბ ი ძ ე ტ ი ტ ე: უარები — კენტვარები,
მხედარს — მხედავს.

ცეცხლაძე გრიგოლ: როდენს — „გისაროდენს“,
ხელაშერობილი — ხაშერობილე.

ჯაფარიძე ლელი: ქუნა — დანაქუნა,
ბარათს — ამირბარათ.

ქუთაისი
თებერვალი
ჩ. შ. ი. შ.

0392
1918/9

~~1 მ. და 5 შ.~~

~~X~~